



დუშეთის

№2 (111)

12 სექტემბერი

2022 წელი

მაცნე

დუშეთის მუნიციპალიტეტის საკრებულოს პერიოდული საინფორმაციო ბიულეტენი, პრეკლამა უფასოდ



ირაკლი ღარიბაშვილი:

„ჩვენი მოლოდინია, რომ ეს პოზიტიური დინამიკა გაგრძელდება და წელს ისეთივე წარმატებული წელი გვექნება, როგორც გვექონდა გასულ წელს. ეს მოვახერხებ ჩვენი სწორი, გონივრული, ეროვნულ ინტერესებზე გათვლილი პოლიტიკითა და არა - ემოციური და გაუაზრებელი, ანტისახელმწიფოებრივი პოლიტიკით, რომელზეც ჩვენი ოპონენტები მოგვიწოდებდნენ“.

2

შეხვედრა სახელმწიფო რწმუნებულის ადმინისტრაციაში




3

აბანოსხევი - დავათის საავტომობილო გზის სარეაბილიტაციოდ



5

ამერიკის შეერთებული შტატების ელჩი დუშეთს ეწვია



3

მილახვრიანთკარის დასახლების საავტომობილო გზა რეაბილიტირდა



5

სოფელ ტონის წყალმომარაგებისათვის



4

დუშეთის მუნიციპალიტეტის საკრებულოს დადგენილება N21 ბინათმესაკუთრეთა ამხანაგობის აღრიცხვის წესის დამტკიცების შესახებ

7

მიწის სისტემური რეგისტრაციის რეფორმის საინფორმაციო კამპანია დუშეთში



მიწის სისტემური რეგისტრაცია 2024

4

შემაჯავებელი ღონისძიება პროგრამის „ასწავლე საქართველოსთვის“



6

„დუშეთი - კოსმო“ წარმატებით ასპარეზობს



6

მთავრობის სიახლანი...



მთავრობის სხდომაზე ოფიციალურად გამოგვაქვს „ხედვა 2030 - საქართველოს განვითარების სტრატეგია“...

პრემიერის თქმით, ეს დოკუმენტი ეფუძნება ძლიერი დემოკრატიული სახელმწიფოს მშენებლობისკენ ხალხის საერთო მისწრაფებას.

„პირველი საკითხი, რაზეც მინდა ვისაუბრო - ეს არის ჩვენი დაპირება, რომელზეც ჩვენ გასულ წელს ვსაუბრობდით...“

მთავრობის სხდომაზე დაგამტკიცებთ ადამიანის უფლებათა დაცვის ეროვნულ

„ხედვა 2030 - საქართველოს განვითარების სტრატეგია“

სტრატეგიას - 2022-2030. დოკუმენტი გავლილია ყველა აქტორთან, როგორც საერთაშორისო საზოგადოებასთან...

პრემიერ-მინისტრის თქმით, დოკუმენტი საქართველოს პარლამენტს გადაეგზავნება დასამტკიცებლად.

„მინდა ვაცნობო ჩვენს მოქალაქეებს, რომ დღეს მთავრობის სხდომაზე დავამტკიცებთ ადამიანის უფლებათა დაცვის ეროვნულ სტრატეგიას - 2022-2030. მოგესხენებათ, რომ 2014 წელს პირველად იქნა დამტკიცებული ადამიანის უფლებათა დაცვის ეროვნული სტრატეგია 2014-2020 წლებისთვის...“

ასოციირების საბჭოს მე-7 სხდომა გაიმართება ბრიუსელში. დელეგაციის შემადგენლობაში, რომელსაც მე ვუხელმძღვანელებ...

პრემიერ-მინისტრმა აღნიშნა, რომ ევროპულ პარტნიორობთან ისაუბრებენ ყვე-



ლა იმ პროგრესსა და რეფორმაზე, რომელზეც ახლა მუშაობს მთავრობა.

„დღეს ჩვენ მივმგზავნებთ ბრიუსელში. მოგესხენებათ, რომ ასოციირების საბჭოს მე-7 სხდომა გაიმართება ბრიუსელში...“

ოფიციალურად გამოქვეყნდა ეკონომიკური ზრდის მაჩვენებლები, რომლებმაც ბოლო 7 თვის განმავლობაში 10,3% შეადგინა...

პრემიერ-მინისტრმა აღნიშნა, რომ მნიშვნელოვნად, 40%-ით არის გაზრდი-

ლი ექსპორტი, ფულადი გზავნილები კი, 46.8 %-ით არის გაზრდილი და 300 მლნ დოლარს გადააჭარბა.

„მინდა კიდევ ერთხელ ვუთხრა ჩვენს მოქალაქეებს, რომ წინა კვირას უკვე ოფიციალურად გამოქვეყნდა ეკონომიკური ზრდის მაჩვენებლები...“

პრემიერ-მინისტრის თქმით, მაღალი ეკონომიკური ზრდის მიღწევა შესაძლებელი გახდა სწორი, ბონივრული, ეროვნულ ინტერესებზე გათვლილი პოლიტიკითა და არა - ემოციური და გაუაზრებელი, ანთისახელმწიფოებრივი პოლიტიკით, რომლისკენაც ხელისუფლების ოპონენტები მოუწოდებდნენ

გასულ წელს ჩვენ გვქონდა ძალიან ძლიერი, ორნიშნა ეკონომიკური ზრდა, 10,4%-ით და წელსაც დავინწყეთ ძალიან ძლიერი ეკონომიკური ზრდით ეს წელი...

პრემიერის თქმით, ბიუჯეტი წელს დაიგეგმა 6%-იანი ეკონომიკური ზრდის

პროგნოზით, ხოლო ნომინალური მთლიანი შიდა პროდუქტის პროგნოზი იყო 64,8 მლრდ ლარი.

„დღეს მინდა ჩვენს მოქალაქეებს მივანოვო ინფორმაცია და ერთგვარი ანგარიში ჩავაბარო ბიუჯეტთან დაკავშირებით...“

ლიან ძლიერი ეკონომიკური ზრდით ეს წელი. პირველ შვიდ თვეში გვაქვს ორნიშნა ეკონომიკური ზრდა - 10,3%.

ასევე შეგახსენებთ, რომ ბიუჯეტი წელს დაიგეგმა 6%-იანი ეკონომიკური ზრდის პროგნოზით, ხოლო ნომინალური მთლიანი შიდა პროდუქტის პროგნოზი იყო 64,8 მლრდ ლარი...

ფარგლებში.

აქვე მინდა აღვნიშნო, რომ უკრაინაში საომარი მოქმედებების დაწყების შემდეგ, პირველ ეტაპზე, რა თქმა უნდა, ახალი რისკები შეიქმნა არა მხოლოდ ჩვენი ქვეყნისთვის...



გვ.2 ქვეყანაში, ისევე, როგორც დღეს მსოფლიოში.

ამ პერიოდში ჩვენ გვაქვს შემდეგი პარამეტრები: საქონლის ექსპორტის მაჩვენებელი 3,1 მლრდ აშშ დოლარს შეადგენს, რაც 36%-ით აღემატება გასული წლის მაჩვენებელს; ასევე მინდა ვთქვა, რომ ტურიზმიდან მიღებული შემოსავლები შეადგენს 1,6 მლრდ აშშ დოლარს, რაც შარშანდელ მაჩვენებელზე 3-ჯერ მეტია. პირდაპირი უცხოური ინვესტიციების მოცულობამ წლის პირველ კვარტალში 922 მლნ აშშ დოლარი შეადგინა, რაც გასული წლის მაჩვენებელს 2-ჯერ აღემატება, ხოლო 2019 წლის პირველი ნახევრის მაჩვენებელს 62%-ით აჭარბებს; ასევე მინდა ვთქვა, რომ დღეს-დღეობა დასაწყისიდან ბრუნები იანვარ-ივლისის პერიოდში გაზრდილია 21%-ით. ეს ნიშნავს, რომ წელს, პირველ 7 თვეში, კვლავ ორნაშნა, 10,3%-იანი, ეკონომიკური ზრდა გვაქვს.

ამიტომ, ამ მაჩვენებლების გათვალისწინებით, ჩვენ შევცვალეთ ძირითადი ეკონომიკური პარამეტრების წლიური პროგნოზებიც და განახლებული მაკროეკონომიკური პროგნოზები ითვალისწინებს შემ-

დეგს: რეალური ეკონომიკური ზრდის საპროგნოზო მაჩვენებელი 8,5% იქნება, ნაცვლად 6%-ისა; ფაქტობრივი მაჩვენებლების გათვალისწინებით, მშპ-ის დეფლატორის პროგნოზი შეადგენს 10,5%-ს; ნომინალური მთლიანი შიდა პროდუქტის პროგნოზი განსაზღვრულია 72,2 მლრდ ლარით, ხოლო ერთ სულ მოსახლეზე გადაანგარიშებული მთლიანი შიდა პროდუქტი 6500 დოლარს აჭარბებს; ნაერთი ბიუჯეტის საგადასახადო შემოსავლები იზრდება 1 266,0 მლნ ლარით, - განაცხადა პრემიერ-მინისტრმა.

პრემიერ-მინისტრმა აღნიშნა, რომ პოზიტიური დინამიკა გაგრძელდება და წელს ისეთივე წარმატებული წელი იქნება, როგორც გასულ წელს იყო.

ირაკლი ღარიბაშვილის თქმით, მაღალი ეკონომიკური ზრდის მიღწევა შესაძლებელი გახდა სწორი, გონივრული, ეროვნულ ინტერესებზე გათვლილი პოლიტიკითა და არა ემოციური და გაუაზრებელი, ანტისახელმწიფოებრივი პოლიტიკით, რომლისკენაც ხელისუფლების ოპონენტები მოუწოდებდნენ.

„მაღალი ეკონომიკური ზრდის გათვალისწინებით, ძვირფასო მეგობრებო, დღის წესრიგში დადგა მიმდინარე წლის ბიუჯეტი-

ში ცვლილებების მომზადება და ეს ცვლილებები ორიენტირებულია 2 ძირითადი მიზნის მიღწევაზე.

პირველი - ეს არის ბიუჯეტის დეფიციტისა და მთავრობის ვალის შემცირება. აქვე მინდა, ძალიან მოკლედ მოგახსენოთ ამის თაობაზე. მოგახსენებთ, რომ ნაერთი ბიუჯეტი დაიგეგმა მშპ-თან მიმართებით 4,4%-იანი დეფიციტის, ხოლო მთავრობის ვალის 51%-იანი ნიშნულის ოდენობით.

წარმოდგენილი ცვლილებების მიხედვით, წელს ჩვენ ვიღებთ ბიუჯეტით დაგეგმილზე 710 მილიონი ლარით ნაკლებ ვალს. ასეთი ძლიერი ეკონომიკური პარამეტრების გათვალისწინებით და წლის ბოლოსთვის მთავრობის ვალის მოცულობა შემცირდება მშპ-ის 40%-მდე, ნაცვლად 51%-ისა, რაც ასევე ძალიან კარგი მაჩვენებელია.

ამასთანავე, ბიუჯეტის დეფიციტის მოცულობა მშპ-ის 4,4%-დან მცირდება მშპ-ის 3,2%-მდე. დეფიციტი იქნება მხოლოდ 3,2%. დეფიციტისა და ვალის შემცირების პარალელურად, დამატებითი თანხები უნდა მივმართოთ ჩვენ, ერთი მხრივ, აღებული ვალდებულებების დასაფინან-

სებლად და მეორე მხრივ, სხვადასხვა მიმართულებით, იქნება ეს პოლიცია, ჯარი, ინფრასტრუქტურა, საწარმოების დაფინანსება, სოფლის მეურნეობა, სოციალური პოლიტიკა, ჯანდაცვა, სპორტი.

საბოლოო ჯამში, მე მინდა ვთქვა, რომ ეს პროგნოზი და ტენდენციები გაგრძელდება. ჩვენი მოლოდინია, რომ ეს პოზიტიური დინამიკა გაგრძელდება და წელს ისეთივე წარმატებული წელი გვექნება, როგორც გვექნა გასულ წელს. ეს მოვახერხებ ჩვენი სწორი, გონივრული, ეროვნულ ინტერესებზე გათვლილი პოლიტიკითა და არა ემოციური და გაუაზრებელი, ანტისახელმწიფოებრივი პოლიტიკით, რომელზეც ჩვენი ოპონენტები მოგვიწოდებდნენ. ამის თაობაზე მინდოდა რომ მომენოდებინა ინფორმაცია, ანგარიში ჩამებარებინა ჩვენი მოქალაქეებისთვის. ბატონი ფინანსთა მინისტრი არის მზად, რომ ამის თაობაზე დეტალურად ისაუბროს მედიასთანაც. პარლამენტში გვექნება ამის თაობაზე საუბარი და კიდევ ერთხელ მინდა ყველას მაგლობა გადაგიხადოთ ასეთი ეფექტიანი მუშაობისთვის“, - განაცხადა ირაკლი ღარიბაშვილმა.

შეხვედრა სახელმწიფო რწმუნებულის ადმინისტრაციაში

მცხეთა-მთიანეთის მხარის სახელმწიფო რწმუნებულის ადმინისტრაციაში პერსონალურ მონაცემთა დაცვის სამსახურის ხელმძღვანელებთან საინფორმაციო შეხვედრა გაიმართა. შეხვედრისას სახელმწიფო რწმუნებულ დავით ნოზაძეს, მის მოადგილე გოჩა ქავთარაძეს, მუნიციპალიტეტების ხელმძღვანელებსა და სხვა დამსწრე პირებს პერსონალურ მონაცემთა დაცვის სამსახურის უფროსმა ლელა ჯანაშვილმა და მისმა პირველმა მოადგილემ - ოთარ ჩახუნაშვილმა სამსახურის ძირითადი ფუნქციები და საქმიანობა გააცნეს. ამასთან, ლელა ჯანაშვილმა ხაზი გაუსვა პერსონალურ მონაცემთა დაცვის სამსახურის მანდატს, მისი, როგორც დამოუკიდებელი საზედამხებდელო ორგანოს, ფუნ-

ქციებს და მუნიციპალიტეტებთან მჭიდრო და კოორდინირებული თანამშრომლობის მნიშვნელობას. პერსონალურ მონაცემთა




დაცვის სამსახურის საჯარო სექტორზე ზედამხებდელოების დეპარტამენტის უფროსმა ქეთევან კრანაშვილმა და იურიდიული დეპარტამენტის უფროსმა დავით ყარაშვილმა კი მუნიციპალიტეტებში პერსონალური მონაცემების დაცვის მიმართულებით არსებულ გამოწვევებსა და პრაქტიკულ საკითხებზე ისაუბრეს. შეხვედრა ინტერაქტიულ რეჟიმში წარიმართა და მას რეგიონისა და მუნიციპალიტეტების ხელმძღვანელ პირებთან ერთად სახელმწიფო რწმუნებულის აპარატის, მერიების იურიდიული და ადმინისტრაციული სამსახურების წარმომადგენლები ესწრებოდნენ.



ამერიკის შეერთებული შტატების ელჩი დუშეთს ეწვია

დუშეთის მუნიციპალიტეტის მერი მანანა ნარიმანიძე, საკრებულოს სოციალურ საკითხთა კომისიის თავმჯდომარე გიორგი ასლამაზიშვილთან ერთად, ამერიკის შეერთებული შტატების საგანგებო და სრულუფლებიან ელჩს - კელი დეგნანს შეხვდა.

შეხვედრის თემას მუნიციპალიტეტში არსებული სოციალურ-ეკონომიკური მდგომარეობის განხილვა წარმოადგენდა. საუბარი აგრეთვე შეეხო მოქალაქეთა მონაწილეობას თვითმმართველობის პროცესში და მათთან აქტიური კომუნიკაციის მნიშვნელობას. მანანა ნარიმანიძემ ისაუბრა ამ მიმართულებით მუნიციპალიტეტის მიერ განსახორციელებულ სამოქ-



მედო გეგმებსა და ქალმეწარმეთა მხარდაჭერ საგრანტო პროექტზე, რომელსაც მუნიციპალიტეტი უწევს თანადაფინანსებას გაეროს განვითარების პროგრამასთან (UNDP) ერთად. შეხვედრის ბოლოს მხარეები სამომავლო თანამშრომლობის გაღრმავებასა და გაფართოებაზე შეთანხმდნენ.

2022 წლის ივლისი ტურიზმიდან მიღებული შემოსავლები 476 მილიონი ლარანი. 2022 წლის იანვარი - ივლისი ტურიზმიდან მიღებული შემოსავლები 1 მილიარდ 618 მილიონი ლარანი.

2022 წლიდან გაიზარდა: შუბა ბავშვებისა და მკვთარად გამოხატული შუბა პირების სოციალური დახმარება. ომისა და სამხედრო ძალების ვეშენაწების სოციალური დახმარება.

ჩველანი მთლიანი შიდა პროდუქტის (მშპ) ზრდა 11.6% (2022 წლის მაისი). ეკონომიკური ზრდა 11.2% (2022 წლის იანვარი-მაისი).

სოფელ ტონჩის წყალმომარაგებისათვის



ლემ გიორგი ჩიფჩიურმა, დუშეთის მუნიციპალიტეტის მერმა მანანა ნარიმანიძემ და მერის მოადგილემ ოთარ ჩხეიძემ მონაწილეობა მიიღეს.

ადგილობრივი ხელისუფლების წარმომადგენელთა განცხადებით, ამ ეტაპზე პროექტით დაგეგმილი სამუშაოები აქტიურ რეჟიმში ხორციელდება, ხოლო მისი დასრულების შემდეგ სოფელში მცხოვრები 100-ზე მეტი ოჯახი გაუმჯობესებული წყალმომარაგებით ისარგებლებს.

ცნობისათვის, სოფელ ტონჩის წყალმომარაგების სისტემის მოწყობის პროექტი ადგილობრივი ბიუჯეტიდან ფინანსდება.

დუშეთის მუნიციპალიტეტის მერიის ფეისბუქის გვერდის ინფორმაციის თანახმად, ქონქაძის ადმინისტრაციული ერთეულის სოფელ ტონჩაში წყალმომარაგების სისტემის მოწყობა მიმდინარეობს.

პროექტის ფარგლებში, რომლის ღირებულება 850 000 ლარს აღემატება, მოეწყობა სათავე ნაგებობა და სოფელი სასმელი წყლის ახალი მიწები დაიქსელდება.

სოფელ ტონჩაში მიმდინარე სამუშაოები მცხეთა-მთიანეთის მხარის სახელმწიფო რწმუნებულმა დავით ნოზაძემ, რწმუნებულის პირველმა მოადგი-



ხელისუფლების ჩართულობით და ბიზნესსექტორის დახმარებით

მიხა არაბულისთვის მზის ახალი პანელები შეიძინეს

მცხეთა-მთიანეთის მხარის სახელმწიფო რწმუნებულმა დავით ნოზაძემ ბარისახოს ადმინისტრაციული ერთეულის სოფელ ზეისტეჩოში მცხოვრები 80 წლის მიხა არაბული მოინახულა და საკვები პროდუქტები გადასცა. ადგილობრივი ხელისუფლების წარმომადგენლები მიხა არაბულის საჭიროებებს გაეცნენ, რის შემდეგაც მის საცხოვრებელ სახლთან მზის ახალი პანელების

მზის პანელები დააზიანა და მათი ახლით ჩანაცვლება გახდა საჭირო. ამიტომაც, ცენტრალური და ადგილობრივი ხელისუფლების ინიციატივითა და ჩართულობით, ბიზნესის წარმომადგენლების მხარდაჭერით, შეძენილი და უკვე დამონტაჟებულია მზის ახალი პანელები. შედეგად ელექტროენერჯის მიწოდება აღდგენილია, ხოლო ამ მხრივ არსებული პრობლემები - გაუმჯობესებული.



დასრულებული სამონტაჟო სამუშაოები მოინახულეს.

„დღეს პირაქეთა ხევსურეთის მკვიდრთან, მიხა არაბულთან, ვიმყოფებით. ის გორშედმის ხეობის სოფლების ერთადერთი მუდმივი მცხოვრებელი. სამწუხაროდ, უამინდობამ მიხა პაპას

მინდა, დიდი მადლობა გადავუხადო თითოეულ იმ ადამიანს, ვინც მიხა პაპას დასახმარებლად თუნდაც მცირედი წვლილი გაიღო. მჯერა, ერთობლივი ძალისხმევით მომავალშიც კიდევ არაერთი მნიშვნელოვანი საქმე გაკეთდება“, - განაცხადა დავით ნოზაძემ.

2022 წლის ივნისში
ახლად დაჩაბისტირებულ
საწარმოთა ჩაოქმედება
6641 ერთეულს
გაუხარდა

მიწის სისტემური რეგისტრაციის რეფორმის

საინფორმაციო კამპანია დუშეთში


მიწის სისტემური რეგისტრაციის რეფორმის საინფორმაციო კამპანიის ფარგლებში, 8 სექტემბერს დუშეთის მუნიციპალიტეტის მერიის საკონფერენციო დარბაზში ადგილობრივ მოსახლეობასთან საკონსულტაციო შეხვედრა გაიმართა.

როგორც სააგენტოს წარმომადგენლებმა განაცხადეს, მუნიციპალიტეტის სოფლებში მიწის სისტემური რეგისტრაცია გეგმა-გრაფიკის მიხედვით განხორციელდება. სააგენტოს სავალდებულო წესდებები ნაკვეთების საკადასტრო აზომვით სამუშაოებს შესაბამისობის თანდასწრებით განახორციელებენ. პროცესი სრულად ელექტრონულია – საამომავლო წესდებები შესაბამის ოქმებს ელექტრონულად შეავსებენ, რითიც ტექნიკური ხარვეზები მინიმუმამდე იქნება დაყვანილი, ხოლო საჯარო რეესტრის წარმომადგენლები საკუთრების უფლების საკითხებზე ადგილობრივ მოსახლეობას სამართლებრივ დახმარებასაც გაუწევენ.

აღსანიშნავია, რომ საქართველოს იუსტიციის სამინისტროს საჯარო რეესტრის ეროვნული სააგენტო მიწის სისტემური რეგისტრაციის რეფორმას 2022 წლის 1 იანვრიდან ახორციელებს. ქვეყნის 59 მუნიციპალიტეტში (ოკუპირებული ტერიტორიებისა და თვითმმართველი ქალაქების გარდა) 3 წლის განმავლობაში მიწის ნაკვეთები ეტაპობრივად აიზომება და და კერძო, სახელმწიფო და მუნიციპალიტეტის საკუთრებაში დარეგისტრირდება, რითაც შეიქმნება სრულყოფილი უფლებრივი და საკადასტრო მონაცემთა ბაზა.

ცნობისათვის, მიმდინარე წლის სექტემბრიდან აღნიშნული პროცესი მჭადიჯვრის ადმინისტრაციულ ერთეულში დაიწყება, ხოლო სხვა კონკრეტულ ადმინისტრაციულ ერთეულებში საკადასტრო აგეგმვითი/აზომვითი სამუშაოების დაწყების განრიგის გაცნობა შესაძლებელია შემდეგ ბმულზე: <http://slr.napr.gov.ge/schedule>

საკონსულტაციო შეხვედრას მუნიციპალიტეტის მერიისა და საკრებულოს წარმომადგენლებთან ერთად ესწრებოდა საკრებულოს თავმჯდომარის მოადგილე ელგუჯა უნდილაშვილი.



დაიწყო
„მიწის სისტემური რეგისტრაცია – 2024“
პროექტის ჯამური ღირებულება 120 მილიონი ლარი

მილახვრიანთკარის დასახლების საავტომობილო გზა რეაბილიტირდა



283 429 ლარის ღირებულების პროექტის ფარგლებში, ჭილაშვილების სასახლემდე მისასვლელ გზაზე დაეგო ასფალტის საფარი, მოეწყო სანიაღვრე არხები, ხოლო სასახლის შესასვლელი მოიკირწყლა ქვაფენილით. პროექტი განხორციელდა თვითმმართველობის ადგილობრივი ბიუჯეტის დაფინანსებით.

განხორციელებული სამუშაოები დუშეთის მუნიციპალიტეტის მერმა მანანა ნარიმანიძემ მოადგილესთან - ოთარ ჩხეიძესთან, ინფრასტრუქტურის განვითარების სამსახურის ხელმძღვანელ იოსებ ლარიბაშვილსა და დუშეთის ადმინისტრაციულ ერთეულში მერის წარმომადგენელ შალვა ინაშვილთან ერთად შეაფასა.



აბანოსხევი - დავათის საავტომობილო გზის სარეაბილიტაციოდ

ლაფანანთკარის ადმინისტრაციულ ერთეულში აბანოსხევი-დავათის დამაკავშირებელი საავტომობილო გზის რეაბილიტაცია მიმდინარეობს.

პროექტის ფარგლებში, რომლის ღირებულება 1 930 000 ლარს აღემატება, 4.4 კმ-იან აბანოსხევი-ლაფანანთკარის გზის მონაკვეთზე დაეგება ასფალტის საფარი და მოეწყობა სანიაღვრე არხები.

მიმდინარე სამუშაოები მცხეთა-მთიანეთის მხარის სახელმწიფო რწმუნებულმა დავით ნოზაძემ, რწმუნებულის პირველმა მოადგილემ გიორგი ჩიფჩიურმა, დუშეთის მუნიციპალიტეტის მერმა მანანა ნარიმანიძემ და მერის მოადგილე ოთარ ჩხეიძემ მოინახულეს.

„სხვა არაერთ პრიორიტეტულ საკითხთან ერთად, მხარის მასშტაბით საგზაო ინფრასტრუქტურის მოწესრიგება ჩვენთვის განსაკუთრებით მნიშვნელოვანია. ამ კუთხით რეგიონში შემავალ ოთხივე მუნიციპალიტეტში სამუშაოები აქტიურად მიმდინარეობს, მათ შორის - დუშეთის მუნიციპალიტეტში, ლაფანანთკარის ადმინისტრაციულ ერთეულში“, - განაცხადა დავით ნოზაძემ.

„ამ ეტაპზე აბანოსხევი-ლაფანანთკარის დამაკავშირებელ საავტომობილო გზის მონაკვეთზე რეაბილიტაციის

სამუშაოები აქტიურ რეჟიმში ხორციელდება, თუმცა მანამდე აღნიშნული პროექტი საკმაოდ პრობლემური იყო: ტენდერში გამარჯვებულმა კომპანიამ ვერ შეასრულა დაკისრებული მოვალეობა, რის გამოც ტენდერი თავიდან გამოვაცხადეთ. პროექტის დასრულების შემდეგ მოსახლეობას ამ გზაზე, სადაც ასფალტი მანამდე არასდროს ყოფილა, უსაფრთხო და კომფორტული გადაადგილება შეეძლება“, - აღნიშნა მანანა ნარიმანიძემ.

აღსანიშნავია, რომ აბანოსხევი-დავათის დამაკავშირებელი საავტომობილო გზის სარეაბილიტაციო სამუშაოები რეგიონებში განსახორციელებელი პროექტების ფონდის, მთის განვითარების ფონდისა და ადგილობრივი ბიუჯეტის თანადაფინანსებით ხორციელდება.



2026 წლის ბოლოსთვის 800 სკოლის მშენებლობა-რეაბილიტაცია განხორციელდება

პრემიერ-მინისტრ ირაკლი ღარიბაშვილის ინიციატივით, მასშტაბური პროექტის განხორციელება იწყება - 800 სკოლის მშენებლობა-რეაბილიტაციის პირველი ეტაპი მიმდინარე წლის სექტემბერ-ოქტომბერში დაიწყება და ტენდერი 80 ახალი სკოლის მშენებლობასა და 320 სკოლის რეაბილიტაციაზე გამოცხადდება.

აღნიშნულ საკითხთან დაკავშირებით, მთავრობის ადმინისტრაციაში, პრემიერის ხელმძღვანელობით, სამუშაო შეხვედრა გაიმართა, რომლის ფარგლებშიც, განათლებისა და მეცნიერების მინისტრმა მიხეილ ჩხენკელმა და საგანმანათლებლო და სამეცნიერო ინფრასტრუქტურის განვითარების სააგენტოს დირექტორმა ლევან სუხიტაშვილმა მთავრობის მეთაურთან ერთად პროექტის დეტალები განიხილეს.

პროექტის თანახმად, დარჩენილი 400 სკოლის რეაბილიტაციის ტენდერი 2023-2024 წლებში გამოცხადდება და 2026 წლის ბოლოსთვის, ჯამში, 800 სკოლის მშენებლობა-რეაბილიტაცია განხორციელდება.

პროექტი საგანმანათლებლო რესურსებზე თანაბარ ხელმისაწვდომობა-

სა და მათ გაუმჯობესებას უზრუნველყოფს და მისი განხორციელებით 230 000-ზე მეტი მოსწავლე ისარგებლებს. შედეგად, 2026 წლის ბოლოსთვის ყველა საჯარო ზოგადსაგანმანათლებლო დაწესებულება ინფრასტრუქტურულად გამართული იქნება.


აღსანიშნავია, რომ რეაბილიტაციისა და ახალი სკოლების მშენებლობის დროს გათვალისწინებულია მათი აღჭურვა თანამედროვე სტანდარტების შესაბამისად. კერძოდ, მოეწყობა თანამედროვე ლაბორატორიები, გაიმართება სპორტული ინფრასტრუქტურა, რაც ძალიან მნიშვნელოვანია ახალგაზრდებში ჯანსაღი ცხოვრების წესის დამკვიდრების მიმართულებით. ყველა სკოლა მთლიანად ადაპტირებული იქნება სპეციალური საგანმანათლებლო საჭიროების მქონე მოსწავლეებისთვის.

როგორც სამუშაო შეხვედრის დასრულების შემდეგ განათლებისა და მეცნიერების მინისტრმა აღნიშნა, განათლებაზე ზრუნვა მთავრობის სტრატეგიული პრიორიტეტია.

პროექტის ღირებულება 1 მლრდ ლარს შეადგენს.

დუშეთი

ბინიბაურის დასახლება 24 საათიანი წყალმომარაგებით სარგებლობს



„დუშეთის მაცნე“ ციფრულ ბიბლიოთეკა „ივერიელში“ განთავსდა

მიმდინარე წლის ივლისიდან საქართველოს პარლამენტის ეროვნულმა ბიბლიოთეკამ ციფრულ ბიბლიოთეკა „ივერიელში“ საინფორმაციო ბიულეტენ „დუშეთის მაცნე“ განთავსება დაიწყო. შესაბამისად, იგი ხელმისაწვდომი კიდევ უფრო მეტი მკითხველისათვის გახდა.

აღსანიშნავია, რომ ციფრულ ბიბლიოთეკა „ივერიელში“ შესაძლებელია საქართველოს პარლამენტის ეროვნულ ბიბლიოთეკაში დაცული ნიგუნების, ურუნალების, გაზეთების, ფოტოებისა და სხვა იშვიათი გამოცემების ელექტრონული ვერსიების მონახულება.



საინფორმაციო ბიულეტენი „დუშეთის მაცნე“

ინტერნეტითაც ხელმისაწვდომია მკითხველს საშუალება ეძლევა, ელექტრონულ ვერსიას გაეცნოს Facebook-ის დუშეთის მუნიციპალიტეტის საკრებულოს გვერდზე.

შემაჯამებელი ღონისძიება პროგრამისა „ასწავლე საქართველოსთვის“



მასწავლებელთა პროფესიული განვითარების ეროვნული ცენტრის ორგანიზებითა და დუშეთის მუნიციპალიტეტის მერიის მხარდაჭერით, დუშეთის ი. ზაქაიძის სახელობის კულტურის სახლში ჩატარდა შემაჯამებელი ღონისძიება პროგრამისა „ასწავლე საქართველოსთვის“, რომელიც საქართველოს განათლებისა და მეცნიერების მინისტრის პირველმა მოადგილემ - თამარ მახარაშვილმა გახსნა. მან დამსწრე საზოგადოებას სიტყვით მიმართა, მიღწეული შედეგები შეაფასა და პროგრამის მნიშვნელობაზე ისაუბრა.

ღონისძიებას მონაწილეობდნენ: მცხეთა-მთიანეთის მხარის სახელმწიფო რწმუნებულის მოადგილე გოჩა ქავთარაძე, დუშეთის მუნიციპალიტეტის მერის პირველი მოადგილე ვასილ ნიკლაური, საკრებულოს თავმჯდომარის მოადგილეები - ელგუჯა უნდილაშვილი და გვანცა ესტატიშვილი, საკრებულოს განათლების, კულტურის და სოციალურ საკითხთა კომისიის თავმჯდომარე გიორგი ასლამაზიშვილი და მერიის განათლებისა და კულტურის სამსახურის უფროსი ქეთო ნიკლაური.

საუბრის დროს მინისტრის პირველმა მოადგილე თამარ მახარაშვილმა ხაზგასმით აღნიშნა, თუ რამდენად მნიშვნელოვანია ამ პროექტის წარმატება მაღალმთიანი რეგიონის სოფლების სკოლებისთვის ავტორიზაციის პროცესის დაძლევის თვალსაზრისით.

პროგრამის „ასწავლე საქართველოსთვის“ მონაწილე მასწავლებლებსა და მონაწილე სტუმრებს სიტყვით მიმართა მასწავლებელთა პროფესიული განვითარების ეროვნული ცენტრის დირექტორმა ბერიკა შუკაკიძემ, რომელმაც პროექტის მიღწევები შეაფასა. მისი თქმით, დღეისათვის საქართველოს მასშტაბით, სხვადასხვა მაღალმთიანი რეგიონის საჯარო სკოლებში მენტორის, წამყვანი და უფროსის სტატუსის მქონე 13 საგნობრივი მიმართულების 156 კონსულტანტ-მასწავლებელი ასწავლის. პროგრამა ჯამში მოიცავს 10 რეგიონის, 26 მუნიციპალიტეტის 84 საჯარო სკოლასა და 6869 მოსწავლეს.

მონაწილეთა მასწავლებლებმა დამსწრე საზოგადოებას წარუდგინეს მოკლე პრეზენტაციები თავიანთი საქმიანობის, აქტივობებისა და მიღწეული შედეგების შესახებ, ასევე მოეწყო მოსწავლეების ხელნაკეთი ნივთების გამოფენა.



კონფერენციის დასასრულს ღონისძიების ორგანიზატორებს მადლობა გადაუხადა ადგილობრივი საგანმანათლებლო რესურსცენტრის ხელმძღვანელმა და ვით ოსეფაშვილმა.

ღონისძიების პარალელურად, დუშეთის კულტურის სახლში მოეწყო ადგილობრივი სკოლის ისტორიის მასწავლებლის, მხატვარ მარინა გოგოჭურის ფერწერული ტილოების გამოფენა.

დასასრულს სტუმრების წინაშე მუსიკალური ნომრით წარდგა ადგილობრივი ანსამბლი „ქალილო“.

„დუშეთი - კოსმოს“ წარმატებით ასპარეზობს

დუშეთის ფეხბურთელთა სამოყვარულო გუნდმა „დუშეთი-კოსმოს“ განახლებული მასტერლიგის შეხვედრაში კვლავ გამარჯვება მოიპოვა და „ინფრასტრუქტურის სამინისტრო“ დაამარცხა ანგარიშით 7-3.

მასტერლიგის ორგანიზატორების მიერ მატჩის საუკეთესო მოთამაშედ ზურაბ ზვიადაური დასახელდა. აღნიშნულ მატჩს ადგილობრივ გულშემატკივრებთან ერთად ესწრებოდა საკრებუ-

ლოს განათლების, კულტურის და სოციალურ საკითხთა კომისიის თავმჯდომარე გიორგი ასლამაზიშვილი.

პროექტი მხარდაჭერილია თბილისის მუნიციპალიტეტის მერიისა და საქართველოს განათლების, მეცნიერების, კულტურისა და სპორტის სამინისტროს მიერ და მიზნად ისახავს ჯანსაღი ცხოვრების წესის დანერგვას, ფეხბურთის პოპულარიზაციას და ახალგაზრდების ჩართულობას.




თბილისი ლიგა. საპრიზო ფონდი 260 000 ლარი. საქართველოს ძიუდოს ფედერაცია.

11 ივნისს „თბილისი მოლში“ ჩატარდა საქართველოს ჩემპიონატი ძიუდოში კლუბებს შორის (2006-2007 წლებში დაბადებულები). მონაწილეობდა 72 კლუბი, მათ შორის - კლუბი „ბაზალეთი“, რომელიც 2018 წელს შეიქმნა. „ბაზალეთმა“ დაიკავა მე-3 საპრიზო ადგილი. მნიშვნელოვან მიღწევას ვულოცავთ კლუბის თითოეულ მონაწილეს, მთლიანად დუშეთის მუნიციპალიტეტს.

კლუბის პრეზიდენტი ბათო ჯიქური, გენერალური დირექტორი თეიმურაზ მამსიკაშვილი.

პირფასო მკითხველო,



თხუთმეტი წელია, „დუშეთის მაცნე“ გამოიცემა. ამ ხნის მანძილზე უამრავი რამ მოხდა ჩვენს ცხოვრებაში, ერთად გვიხაროდა და გვტკიოდა დუშეთის ცხოვრების სიახლეები, პრობლემები, ყველაფერი, რასაც ადგილობრივი ხელისუფლება აკეთებდა და აკეთებს... და ეს საინფორმაციო ბიულეტენიც ხომ იმისათვის არსებობს, რომ თქვენი სათქმელი ხელისუფლებამდე მიიტანოს და, პირიქით, მათი გადაწყვეტილებები და ნაფიქრი გაგიზიაროთ.

სურვილი გვაქვს, კვლავაც ერთად ვიაროთ, გავუზიაროთ ერთმანეთს ტკივილიც და სიხარულიც. ამიტომაც გთხოვთ, მოგწეროთ, გამოხატოთ თქვენი დამოკიდებულება თქვენ მიერვე არჩეული ხელისუფლების მუშაობისადმი, იმ პროექტების მიმართ, რომელიც ბოლო პერიოდში ხორციელდება დუშეთში. შევეცდებით, კვლავაც აქტიურად გავაშუქოთ ის საკითხები, რომლებიც გაინტერესებთ. რედაქცია ელის თქვენს წერილებსა და გამოხმაურებას.

რედაქცია



დუშეთის მუნიციპალიტეტის საკრებულოს

დადგენილება N 21

2022 წლის 26 აგვისტო

ქ.დუშეთი

ბინათმესაკუთრეთა ამხანაგობის აღრიცხვის

წესის დამტკიცების შესახებ



გებგვერდი 30/08/2022

სარეგისტრაციო კოდი 010250050.35.152.016463

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის პირველი და მე-2 პუნქტების, ამავე კოდექსის 16-ე მუხლის მე-3 პუნქტის, 24-ე მუხლის მე-2 პუნქტისა და „ბინათმესაკუთრეთა ამხანაგობის შესახებ“ საქართველოს კანონის 29-ე მუხლის პირველი პუნქტის „გ“ ქვეპუნქტის შესაბამისად, დუშეთის მუნიციპალიტეტის საკრებულო ადგენს:

მუხლი 1

დამტკიცდეს „ბინათმესაკუთრეთა ამხანაგობის აღრიცხვის წესი“ დანართის შესაბამისად.

მუხლი 2

დადგენილება ამოქმედდეს გამოქვეყნებისთანავე.

საკრებულოს თავმჯდომარის მოვალეობის შემსრულებელი კახაბერ ჩიტაური

დანართი

ბინათმესაკუთრეთა ამხანაგობის აღრიცხვის წესის დამტკიცების შესახებ

მუხლი 1

1. ბინათმესაკუთრეთა ამხანაგობის (შემდგომში – „ამხანაგობა“) აღრიცხვის პროცედურები წესრიგდება „ბინათმესაკუთრეთა ამხანაგობის შესახებ“ საქართველოს კანონისა და წინამდებარე წესის შესაბამისად.

2. ამხანაგობის აღრიცხვაზე აყვანის მიზნით, ამხანაგობის თავმჯდომარე ან საამისოდ უფლებამოსილი პირი დუშეთის მუნიციპალიტეტის მერიას (შემდგომში – „მერია“) მიმართავს განცხადებით, რომელსაც თან ერთვის:

ა) ნოტარიულად დამოწმებული ამხანაგობის წესდების ასლი ან ნოტარიულად დამოწმებული ამხანაგობის საერთო კრების ოქმის დედანი (ამხანაგობის წესდების არარსებობის შემთხვევაში);

ბ) ამ მუხლის მე-2 პუნქტის „ა“ ქვეპუნქტში მითითებული ამხანაგობის საერთო კრების ოქმის წარდგენის შემთხვევაში საერთო კრებაზე გადაწყვეტილების მიმღებ ამხანაგობის წევრთა (ბინათმესაკუთრეთა) ხელმოწერები, წევრთა სახელის, გვარისა და პირადი ნომრების მითითებით;

გ) ამხანაგობის წევრთა (ბინათმესაკუთრეთა) სრული სია სახელის, გვარის და ბინის მითითებით;

დ) ამონაწერი საჯარო რეესტრიდან, რომელიც ადასტურებს ამხანაგობის თავმჯდომარის მიერ იმ მრავალბინიან მესაკუთრედ ყოფნის ფაქტს, რომელიც აირჩიეს თავმჯდომარედ;

ე) ამხანაგობის თავმჯდომარედ მონიშნული მმართველის არჩევის შემთხვევაში ამხანაგობასა და მონიშნულ მმართველს შორის გაფორმებული ხელშეკრულების ნოტარიულად დამოწმებული დედანი/ასლი;

ვ) ამხანაგობის თავმჯდომარედ მონიშნული მმართველის არჩევის შემთხვევაში, იმ ბინის მესაკუთრის საჯარო რეესტრის ამონაწერი, რომელმაც ამხანაგობის სახელით ხელშეკრულება გაუფორმა მონიშნულ მმართველს.

3. ერთ მინის ნაკვეთზე განთავსებულ მრავალბინიან სახლში, ბინათმე-

საკუთრეთა ამხანაგობის ყველა წევრის მიერ ერთხმად მიღებული გადაწყვეტილების საფუძველზე, ერთი ან რამდენიმე სადარბაზოს ბინათმესაკუთრეთა ამხანაგობის აღრიცხვისათვის, ამ მუხლის მეორე პუნქტში გათვალისწინებული დოკუმენტების გარდა, ამხანაგობა წარადგენს მერის თანხმობას.

4. მომიჯნავე მინის ნაკვეთებზე მდებარე რამდენიმე მრავალბინიანი სახლის ყველა ბინის მესაკუთრის მიერ მიღებული გადაწყვეტილების საფუძველზე ერთი ბინათმესაკუთრეთა ამხანაგობის აღრიცხვისათვის, ამ მუხლის მეორე პუნქტში გათვალისწინებული დოკუმენტების გარდა, ამხანაგობა წარადგენს მერის თანხმობას.

მუხლი 2

1. ამხანაგობის კრების ოქმში მითითებული უნდა იყოს:

- ა) ამხანაგობის მისამართი;
- ბ) ამხანაგობის სახელი;
- გ) ამხანაგობის კრების გამართვის თარიღი, ადგილი, დრო;
- დ) ამხანაგობის კრების თავმჯდომარის სახელი და გვარი;

ე) მრავალბინიან სახლში ბინათა საერთო რაოდენობა;

ვ) ამხანაგობის კრებაზე დამსწრე წევრთა საერთო რაოდენობა;

ზ) დღის წესრიგი;

თ) გადაწყვეტილების მიღების მომხრეთა საერთო რაოდენობა;

ი) გადაწყვეტილების მიღების მონიშნულმდეგეთა საერთო რაოდენობა;

კ) გადაწყვეტილება;

ლ) ამხანაგობის თავმჯდომარის არჩევის შემთხვევაში, ამხანაგობის თავმჯდომარის უფლებამოსილების ვადა.

2. ამხანაგობის კრების ოქმს ადგენს და ხელს აწერს კრების თავმჯდომარე.

მუხლი 3

1. მერია, საქართველოს ზოგადი ადმინისტრაციული კოდექსის შესაბამისად, აღრიცხავს ბინათმესაკუთრეთა ამხანაგობას და გამოაქვს გადაწყვეტილება ბინათმესაკუთრეთა ამხანაგობის აღრიცხვის ან აღრიცხვაზე უარის თქმის შესახებ, რომლის საფუძველზე მერია გასცემს აღრიცხვის ფურცელს.

2. ბინათმესაკუთრეთა ამხანაგობის აღრიცხვის ფურცელი უნდა შეიცავდეს

შემდეგ სავალდებულო რეკვიზიტებს:

- ა) აღრიცხვის ნომერს;
- ბ) აღრიცხვის თარიღს;
- გ) აღრიცხვის მონაცემთა ბაზაში ცვლილების შეტანის თარიღს;
- დ) ამხანაგობის დასახელებას;
- ე) ამხანაგობის მისამართს.

მუხლი 4

1. ამხანაგობის აღრიცხვის მონაცემთა ბაზაში ცვლილებების შესატანად, ამხანაგობის თავმჯდომარე ან საამისოდ უფლებამოსილი პირი მერიას მიმართავს განცხადებით, რომელსაც თან ერთვის:

- ა) ნოტარიულად დამოწმებული ამხანაგობის საერთო კრების ოქმის დედანი;
- ბ) ამ მუხლის პირველი პუნქტის „ა“ ქვეპუნქტში მითითებულ საერთო კრებაზე გადაწყვეტილების მიმღებ ამხანაგობის წევრთა (ბინათმესაკუთრეთა) ხელმოწერები, წევრთა სახელის, გვარისა და პირადი ნომრების მითითებით;

გ) წევრთა ცვლილების შემთხვევაში – ამხანაგობის წევრთა სია, სახელის, გვარის და ბინის მითითებით;

დ) ბინათმესაკუთრეთა ამხანაგობის თავმჯდომარის ცვლილების შემთხვევაში, წინამდებარე წესის პირველი მუხლის მეორე პუნქტის „დ“, „ე“ და „ვ“ ქვეპუნქტებით გათვალისწინებული დოკუმენტები ან საჯარო რეესტრის ამონაწერი, რომელიც ადასტურებს ამხანაგობის ახალი თავმჯდომარის იმ მრავალბინიან სახლში ბინის მესაკუთრედ ყოფნის ფაქტს, რომელიც იგი თავმჯდომარედ აირჩიეს;

ე) სხვა დოკუმენტაცია, რომელიც ადასტურებს ამხანაგობის სააღრიცხვო დოკუმენტაციაში (ამხანაგობის მიერ წარმოდგენილი დოკუმენტების ერთობლიობა, რომლის საფუძველზეც მოხდა ბინათმესაკუთრეთა ამხანაგობის აღრიცხვა და/ან აღრიცხვის მონაცემთა ბაზაში ცვლილებების შეტანა) არსებული მონაცემების ცვლილებას.

2. მერია, საქართველოს ზოგადი ადმინისტრაციული კოდექსის შესაბამისად, განიხილავს ამ მუხლის პირველი პუნქტით გათვალისწინებულ დოკუმენტებს და გამოაქვს გადაწყვეტილება ამხანაგობის აღრიცხვის მონაცემთა ბაზაში ცვლილებების შეტანის ან ცვლილებების შეტანაზე უარის თქმის შესახებ.

მუხლი 5

1. ამხანაგობის აღრიცხვაზე და აღრიცხვის მონაცემთა ბაზაში ცვლილებების განხორციელებაზე უარის თქმის საფუძველზე წარმოადგენს:

ა) წინამდებარე წესის პირველი და მე-4 მუხლებით გათვალისწინებული დოკუმენტების მერიასი წარუდგენლობა, ან წარმოდგენილ დოკუმენტებში ისეთი არაზუსტი მონაცემების მითითება, რომელიც გამორიცხავს აღნიშნული დოკუმენტაციის საფუძველზე ამხანაგობის აღრიცხვას ან აღრიცხვის მონაცემთა ბაზაში ცვლილებების განხორციელებას;

ბ) კანონმდებლობით გათვალისწინებული სხვა შემთხვევები.

მუხლი 6

1. ამხანაგობა აღრიცხვიდან მოიხსნება:

ა) სააღრიცხვო დოკუმენტაციაში ისეთი არაზუსტი მონაცემების მითითების შემთხვევაში, რომელიც გამორიცხავს ამხანაგობის მიერ მიღებული გადაწყვეტილების კანონიერებას;

ბ) სასამართლოს მიერ ამხანაგობის იმ კრების ოქმის ბათილად ცნობის შემთხვევაში, რომლის საფუძველზეც განხორციელდა ამხანაგობის აღრიცხვა ან აღრიცხვის მონაცემთა ბაზაში ცვლილებების შეტანა;

გ) სხვა ამხანაგობასთან გაერთიანების შემთხვევაში;

დ) „ბინათმესაკუთრეთა ამხანაგობის შესახებ“ საქართველოს კანონის 24-ე მუხლის პირველი პუნქტით გათვალისწინებული ამხანაგობის ლიკვიდაციის შემთხვევაში;

ე) კანონმდებლობით გათვალისწინებულ სხვა შემთხვევებში.

მუხლი 7

ამხანაგობის თავმჯდომარის არყოფნის ან მის მიერ თავისი მოვალეობის შესრულების შეუძლებლობის შემთხვევაში, ამხანაგობას წარმოადგენს მისი ნებისმიერი წევრი, ამხანაგობის თავმჯდომარის მიერ გაცემული მინდობილობის საფუძველზე.

მუხლი 8

ამხანაგობის ნებისმიერი წევრი უფლებამოსილია, გაეცნოს ამხანაგობის სააღრიცხვო დოკუმენტაციას, საქართველოს ზოგადი ადმინისტრაციული კოდექსით დადგენილი წესის შესაბამისად.

მიმდინარე წლის ნოემბერში ცნობილი მწერლისა და კინორეჟისორის - გოდერძი ჩოხელის გარდაცვალებიდან 15 წელი სრულდება. „ღუპეთის მაცნე“ პატივისცემითა და მადლიერების გრძნობით იხსენებს ბატონ გოდერძის და მკითხველს ამ ნომერში მის ერთ-ერთ ცნობილ მოთხრობას - „ხილულ სამზეოს“ სთავაზობს...

ხილული სამზეო

თეთრი თმა-წვერით დაბერდა ბათილაი.

მზე მიიწურა მისი სულის დაღრუბლულ ცაზე, დადგა, დაგვიანდა და წვეთი-წვეთ შრება.

კარგა ხანია, საუკუნეს გადააბიჯა. კარგა ხანია, ხილული სამყარო დაეკარგა იმის თვალებს.

ყოველთვის შეუმცდარი ალლოთი გრძნობს მზის ამოსვლასა და ჩასვლას. ხელიდან ქამარ-ხანჯალს არ იშორებს. გამუდმებით მაღალი ბანის წვერზე ზის და მესხიერებაში ჩარჩენილ სამყაროს გაჰყურებს შორად, თავისი ბავშვობისაკენ.

- შენამც დამიბერდები თეთრი თმა-წვერით, ჩემო ბათილავე! - დალოცა ბაბუკაში ერთმა მოხუცმა დედა-კაცმა და ახლა იმისი ლოცვა: თეთრი თმა-წვერით დაბერდა ბათილაი. მზე მოიღალა მის ძვალმსხვილ სხეულში ყოფნით.

- რატომ გარტყვია წელზე ქამარ-ხანჯალი, პაპავ? - ეკითხებიან შვილიშვილები.

- იმად, რო შუა სკნელს ვართ, - უპასუხებს მოხუცი. ბაბუკები იცინიან.

- ზემო სკნელს ვინლა არის, პაპავ?

- ზე სკნელს ღმერთია. -ამბობს მოხუცი და პირფარას იწერს.

- ქვემო სკნელსა?

- ალ-ქაჯები და დევე-შმაკები. ფუი, გასწყდა იმათი სახსენებელი.

- რატო, პაპავ!

- იმად, რომ ბოროტნი არიან.

- შენ გინახავს ისინი, პაპავ?

- მინახავს, ადრე, ჩემს ჯელობაში, მე და შულლას გვეყავდნენ გამოსულები.

- შულლაი ვინ იყო?

- შულლაი გაღმა სოფელი იყო, ჩემი ძმადნაფიცია.

- შენზე მეტი ღონე თუ ექნებოდა, პაპავ?

მოხუცი გაჩუმდა. ამ შეკითხვაზე არასოდეს ხმას არ იღებდა.

მის გარდა შულლაი აღარავის აღარ ახსოვს.

ბათილას კი ახსოვს.

დევეკაცი იყო გაღმა სოფელი

შულლაი.

ახსოვს ბათილას. ერთხელ ღონეში აჯობა შულლამ. მაგათ სოფლებს შუაში არაგვი ჩამოუდის. ყოველ ახალ წელს მღვდელი წყალს აკურთხებდა ხოლმე. ნაკურთხ წყალს ქვაბით შუა ხიდზე დადგამდა.

გაღმაც ხალხი იდგა, გამოღმაც. ორივე სოფელი ღონიერ კაცს ირჩევდა.

ერთი გაღმა ეწეოდა ქვაბს, მეორე - გამოღმა. ვინც თავის მხარეს წაიღებდა ქვაბს, იმ სოფლისა იყო ნაკურთხი წყალი.

ახსოვს ბათილას, გაღმივლებმა შულლაი აირჩიეს, გამოღმელებმა - ბათილაი. ჩასჭიდეს იქი-აქი ძარღვიანი ხელები ქვაბის ყურებს და გასწიეს თავ-თავისკენ. ღონიერი კაცი იყო შულლაი, ქვაბიც თავის მხარეს გაითრია და ბათილაიც.

მერე კარგა ხანს მკვდრის მზესავით გაფერმკრთალებული სახით დაიარებოდა ბათილაი. ახლოს აღარავის იკარებდა. ბოლმამ ერთიანად ჩამოაღწო და სანთელივით ჩამოღვენთა. ვაჟკაცი იყო შულლაი. სასმელ-საკლავით მოვიდა ბათილასთან და ძმად გაეფიცა.

ახსოვს ბათილას შულლაი. სხვას არავის არ ახსოვს. ახლა სხვა ხალხია აქ. მარტო ბათილაილა არის ძველი. საუკუნეს დიდი ხანია გადასცილდა.

ახლა ისედა დგას მაგის ძვალმსხვილ სხეულში დაღლილი სული, როგორც მზის ჩასვლის მერე მთების წვერებს შემორჩებათ ხოლმე ფერგამკრთალი „მკვდრის მზე“.

მზე მიიწურა ბათილაის სულის ცაზე.

უკანასკნელი მზის სხივილა შემორჩათ სერებს.

ჭალიდან თალხი ნაგრილები მოჰყვება აღმართს და აჰა...

საცაა მკვდრის მზეც ჩაქრება და... ჩამობნელდება.

თეთრი თმა-წვერით დაბერდა ბათილაი.

ზის და მზის ჩასვლას ელოდება. მზე კი ისევ დგას საწუთროს კალოზე.

ბათილაი თავის მესხიერებაში შემორჩენილ სამყაროს ჭვრეტაშია დანთქმული.

ახლანდელს ვერავის ვერ ცნობს. ძველები კარგა ხანია წასულნი არიან.

ჰყავს შვილთაშვილის შვილისშვილები.

მრავლდება მაგისი მოდგმა.

ბათილას შვილისშვილის შვილმა მოტაცებით მოიყვანა პატარძალი.

გაეხარდა მოხუცს.

ახლალა წარმოიდგინა, რომ შვილის შვილიშვილი მაგას ჰგავდა.

გულიანად დალოცა „ახალყოილი“ და საქორწილო სუფრის თავში დაჯდა. დიდი ყანნი გამოცალა მოხუცმა.

მოეკიდა ალალაი, მესხიერება აუშლვრია.

შულლაი გაახსენდა.

რატომღაც ეგონა, რომ ისიც ცოცხალი იყო.

ძალიან მოუნდა შემთვრალ მოხუცს ძმადნაფიცის ნახვა და მოითხოვა.

გადადით გაღმა სოფელში და შულლაი გადამიყვანეთ.

არავინ უგდო ყური, იცინოდნენ მარტო.

- შულლაი გადამიყვანეთ, მე თქვენი... - გაბრაზდა მოხუცი.

- აქა ვარ, აქა, ბათილავე. - იხუმრა ვილაცამ სუფრის ბოლოში.

- აქა ხარ, ძმაო შულლავე? - გაეხარდა ბათილას და, ჩემთან გადმოჯექიო, გასძახა.

ის ახალგაზრდა გადავიდა და გვერდზე მიუჯდა.

- როგორა ხარ, კაცოო.

- კარგად, შენა?

- რატო დამივიწყე.

- რა ვიცი, ესეთი ყოფილა სიბერე.

- ჰოო.

მოხუცის ხმაზე ელაპარაკებოდა ახალგაზრდა. დანარჩენები იცინოდნენ.


„ძმადნაფიცის“ ნახვით გაღალბულმა ბათილამ ძველი ამბები მოაყოლა საუბარს.

მერე ახალგაზრდამ ისევ მოხუცის ხმით უთხრა:

ბათილავე, გახსოვს, მე რო მოგერივე.

ბათილას ხმა არ ამოუღია, უსინათლო თვალები მიაშტერა მოსაუბრეს.

ნაკურთხი წყლისათვის რომ შეეჭიდნენ, ის გაახსენდა, და სახეზე ფერფურმა გადაურბინა. ეწყინა, შულლაიმ ის ამბავი რომ გაიხსენა.



მერე თანდათან უფრო მოეკიდა ალალაი.

მერე დაეჭვდა კიდეც: შულლაი ვაჟკაცი იყო, არ გაიხსენებდაო იმ ამბავს. ის ახალგაზრდა ახალ-ახალ ტყუილებს იგონებდა და, ეს თუ გახსოვსო, ეუბნებოდა ბათილას.

თანდათან უფრო დაეჭვდა ბათილაი: „შულლაი ვაჟკაცი იყო, არ გაიხსენებდა იმ ამბავს“.

ხალხი იცინოდა.

მერე ბათილას გაახსენდა, რომ შულლაი ამქვეყანაზე აღარ იყო და უფრო მოუნდა, რომ ეს ახალგაზრდა დიდხანს მჯდარიყო მასთან და შულლაის მაგიერობა გაეცნია. ახლა ის ისე იყო თავის წარსულ სამყაროში დანთქმული, რომ არ უნდოდა მისი დატოვება.

გახსოვს, ბათილავე, რო გცემე? - გასახელებლად იძახდა ახალგაზრდა და ხალხს აცინებდა

შენ კი არა, მე გცემე, შულლავე, - თავის მხრიდან ედავებოდა ბათილაი და უნდოდა, რაც შეიძლება დიდხანს გაგრძელებულიყო ასეთი თავის ტყულება.

საქორწინო სუფრა ხარხარებდა.

მეორე დღეს ბანზე იჯდა ბათილაი. მექორწინლე ხალხი ვერც მეორე დღეს იკავებდა სიცილს.

- მოდი ვუთხრაო,- თქვა ერთმა.

- გაუშვი, ცოდევა, ეწყინება.

- ერთი რას გვეტყვის, ჰა?

- ძია ბათილავე!

- რა გინდათ?

- შულლას ხომ არ დავუძახოთ?

- არა.

- რატომ არა, გაიხსენებთ ძველ ამბებს, თუ გინდა, ამოვიყვანთ აქ...

- ვერ ამოვიყვანთ,- თქვა ბათილამ და უსინათლო თვალეები მიმოავლო ხილულ სამზეოს.

რედაქტორი
მისაილ ჭონძაძე
 ✉ მისამართი: ქ. ღუპეთი, რუსთაველის ქ.№27
 (ადმინისტრაციული შენობის პირველი სართული).
 გაზეთი დაკაბადონდა და დაიბეჭდა
შპს „ფავორიტი სტილში“



ღუპეთის მაცნე

გამოდის 2007 წლის მარტიდან
 დაბეჭდილ მასალაზე პასუხისმგებელია ავტორი,
 ან - მითითებული ორგანიზაცია